

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

R J E Š E N J E

po Prijavi koncentracije privrednih subjekata Energo Bosna d.d., Češka Republika, Kaldera Company d.o.o. Laktaši, Mješoviti holding ERS-MP a.d. Trebinje ZP Elektrodistribucija a.d. Pale i Mješoviti holding ERS-MP a.d. Trebinje ZP Hidroelektrane na Drini a.d. Višegrad

Sarajevo
septembar, 2019. godine



Broj: UP-02-26-1-16- 12 /19
Sarajevo, 26. 09.2019. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednih subjekata Energo Bosna d.d. Češka Republika, Kaldera Company d.o.o. Laktaši, Mješoviti holding ERS-MP a.d. Trebinje ZP Elektrodistribucija a.d. Pale i Mješoviti holding ERS-MP a.d. Trebinje ZP Hidroelektrane na Drini a.d. Višegrad, zaprimljenoj dana 02.07.2019. godine pod brojem: UP-02-26-1-16-1/19, na 59. (pedesetdevetoj) sjednici održanoj dana 26.09.2019. godine, je donijelo

R J E Š E N J E

1. Ocjenjuje se dopuštenom koncentracija na tržištu proizvodnje električne energije na području Bosne i Hercegovine koja će nastati stjecanjem kontrole privrednog subjekata Mješoviti Holding ERS – MP a.d. Trebinje Hidroelektrane na Drini a.d. Višegrad nad privrednim subjektom Hidroelektrane Bistrica d.o.o. Foča kupovinom 100% udjela osnovnog kapitala Hidroelektrana na Bistrici od privrednih društava: Energo Bosna d.d. Prag, Češka Republika, Kaldera Company d.o.o. Laktaši i Mješovitog Holdinga ERS-MP a.d. Trebinje ZP Elektrodistribucija Pale.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo pod brojem: UP-02-26-1-16- 1/19 dana 02.07.2019. godine, Prijavu koncentracije (u daljem tekstu: Prijava) privrednih subjekata Energo Bosna d.d. Češka Republika, Kaldera Company d.o.o. Laktaši, Mješoviti holding ERS-MP a.d. Trebinje ZP Elektrodistribucija a.d. Pale i Mješoviti holding ERS-MP a.d. Trebinje ZP Hidroelektrane na Drini a.d. Višegrad (u daljem tekstu: Energo Bosna, Kaldera Company, ZP Elektrodistribucija i ZP Hidroelektrane na Drini ili Podnosioci prijave), zastupani putem Drage Stanivukovića, Akademika Jovana Surutke 1, 78 000, Banja Luka kojom isti namjeravaju steći većinsku kontrolu nad privrednim subjektom Hidroelektrana Bistrica (u daljem tekstu: Hidroelektrana Bistrica ili ciljano društvo).

Uvidom u zaprimljenu Prijavu i priloge uz istu Konkurencijsko vijeće je utvrdilo da istu treba dopuniti te je u tom smislu dana 19.07.2019. godine aktom broj: UP- 02-26-1-16-2/19 uputilo Zahtjev za dopunom Prijave koncentracije.

Podnosilac prijave je dana 06.08.2019. godine podneskom zaprimljenim pod brojem: UP- 02-26-1-16-4/19 dostavio traženu dopunu, dana 20.08.2019. godine podneskom zaprimljenim pod brojem: UP- 02-26-1-16-5/19 i dana 22.08.2019. godine broj: UP- 02-26-1-16-6/19.

Nakon kompletiranja Prijave Konkurencijsko vijeće je izdalo Potvrdu o kompletnoj i urednoj Prijavi, u smislu člana 30. stav (3) Zakona, dana 11.09.2019. godine aktom broj: UP- 02-26-1-16-10/19.

Konkurencijsko vijeće je, u skladu sa članom 16. stav (4) Zakona, dana 11.09.2019. godine izdalo Obavještenje o dostavljenoj Prijavi broj: UP- 02-26-1-16-8/19 u kojem su objavljeni podaci o namjeravanoj koncentraciji i to u dnevnim novinama „Nezavisne novine“ i web stranici Konkurencijskog vijeća, te tom prilikom pozvalo sve zainteresovane strane na dostavljanje pisanih komentara o provođenju iste.

Na izdato Obavještenje Konkurencijsko vijeće nije zaprimilo bilo kakve komentare.

Konkurencijsko vijeće je analizom Prijave utvrdilo slijedeće činjenice:

Prijava je podnesena, u smislu člana 16. stav (1) Zakona o konkurenciji, obzirom da su pravni osnov predmetne koncentracije Ugovori o prenosu dijela udjela od 24.06.2019. godine.

Podnosilac prijave je u Prijavi naveo da nema obavezu prijave koncentracije tijelima za konkurenciju drugih zemalja.

1. Učesnici koncentracije

Učesnici predmete koncentracije su privredni subjekti Energo Bosna d.d. Češka Republika, Kaldera Company d.o.o. Laktaši, Mješoviti holding ERS-MP a.d. Trebinje zavisno preduzeće Elektro distribucija a.d. Pale, Mješoviti holding ERS-MP a.d. Trebinje zavisno preduzeće Hidroelektrane na Drini a.d. Višegrad i Hidroelektrana Bistrica d.o.o. Foča, Svetosavska bb, Foča.

1.1. Energo Bosna, Podnosilac prijave

Privredni subjekt Energo Bosna d.d. Ortenovo namesti 1524/36, Holešovice 170 00 Prag 7, Češka Republika upisan je u Privredni registar kod Mjesnog suda u Pragu, Odjeljenje B, uložak br 17245. Upisan je 10.06.2011. godine pod nazivom BDY Czech a.s., a izbrisan 15.01.2015. godine kada je na isti datum upisan od nazivom Energo Bosna a.a.

Pretežna registrovana djelatnost privrednog subjekta Energo Bosna je iznajmljivanje nekretnina stanova i poslovnih prostora.

1.2. Kaldera Company, Podnosilac prijave

Privredni subjekt Kaldera Company d.o.o. Laktaši, Kobatovci bb, Laktaši, registrovan je pri Okružnom privrednom sudu u Banja Luci pod brojem: 1-7201-00. Osnivač privrednog subjekta je fizičko lice (..)**¹.

Pretežna registrovana djelatnost privrednog subjekta Kaldera Company je proizvodnja uređaja za distribuciju i kontrolu električne energije te proizvodnja metalnih konstrukcija i njenih dijelova.

1.3. Mješoviti holding ERS-MP a.d. Trebinje ZP Elektrodistribucija a.d. Pale, Podnosilac prijave

Privredni subjekt Mješoviti holding ERS-MP a.d. Trebinje ZP Elektrodistribucija a.d. Pale, Nikole Tesle 12, Pale registrovan je u sudskom registru Okružnog privrednog suda u Istočnom Sarajevu pod brojem: 61-02-0014-12 (1-604).

U vlasničkoj strukturi ovog privrednog subjekta 65,01% čini Mješoviti holding ERS-MP a.d. Trebinje i Akcionari prema Izvještaju Centralnog registra hartija od vrijednosti a.d. Banja Luka sa preostalih 34,99% (Fond za restituciju sa 5% dionica; PREF – društvo za upravljanje penzijsko rezervnim fondom RS a.d. Banja Luka sa 10,20375% dionica te mali akcionari sa 19,78800%).

Pretežna registrovana djelatnost privrednog subjekta Mješoviti holding ERS-MP a.d. Trebinje ZP Elektrodistribucija a.d. Pale je distribucija električne energije.

1.4. Mješoviti holding ERS-MP a.d. Trebinje ZP Hidroelektrane na Drini a.d. Višegrad, Podnosilac prijave

Privredni subjekt Mješoviti holding ERS-MP a.d. Trebinje ZP Hidroelektrane na Drini a.d. Višegrad, kompleks Andrićgrad, Višegrad Pale registrovan je u sudskom registru Okružnog privrednog suda u Istočnom Sarajevu pod brojem: 89-02-0013-09 (1-1642).

U vlasničkoj strukturi ovog privrednog subjekta 65,01% čini Mješoviti holding ERS-MP a.d. Trebinje i Akcionari prema Izvještaju Centralnog registra hartija od vrijednosti a.d. Banja Luka sa preostalih 34,99% (Fond za restituciju sa 5% dionica; PREF – društvo za upravljanje penzijsko rezervnim fondom RS a.d. Banja Luka sa 10,043168% dionica te mali akcionari sa 19,956436%).

Pretežna registrovana djelatnost privrednog subjekta Mješoviti holding ERS-MP a.d. Trebinje ZP Hidroelektrane na Drini a.d. Višegrad je proizvodnja električne energije.

1.5. Hidroelektrana Bistrica, ciljano društvo

Privredni subjekt Hidroelektrani Bistrica d.o.o. Foča, Svetosavska bb, Foča registrovan je na Okružnom privrednom sudu u Trebinju pod matičnim brojem upisa 62-01-0094-10 dana 27.05.2008. godine.

Osnivači privrednog subjekta Hidroelektrana Bistrica su Mješoviti holding ERS MP a.d. Trebinje ZP Elektrodistribucija a.d. Pale, Kaldera Company d.o.o. Laktaši i Energo Bosna a.s..

Vlasničku strukturu privrednog subjekta Hidroelektrana Bistrica d.o.o. Foča čine privredni subjekti i to Energo Bosna sa 60% udjela, Kaldera Company sa 30% i ZP Elektrodistribucija a.d. Pale sa preostalih 10% udjela.

¹ podaci predstavljaju poslovnu tajnu u smislu člana 38. Zakona o konkurenciji

Koncesiono je preduzeće osnovano radi izgradnje hidroelektrane Bistrica B-1, Bistrica B-2 i Bistrica B-3 na rijeci Bistrici i male hidroelektrane Janjina J-1 na rijeci Janjina.

Pretežna registrovana djelatnost privrednog subjekta Hidroelektrana Bistrica je proizvodnja električne energije.

2. Pravni okvir ocjene koncentracije

Konkurencijsko vijeće u provođenju postupka ocjene dopuštenosti koncentracije primijenilo je odredbe Zakona, Odluke o utvrđivanju relevantnog tržišta («Službeni glasnik BiH», broj 18/06 i 34/10), Odluke o definisanju kategorija dominantnog položaja („Službeni glasnik BiH“, broj 34/10) te Odluke o načinu podnošenja prijave i kriterija za ocjenu koncentracija privrednih subjekata („Službeni glasnik BiH“, broj 34/10).

Konkurencijsko vijeće, na osnovu člana 43. stav (7) Zakona, može koristiti sudsku praksu Evropskog suda i odluke Evropske komisije, kao i kriterije i standarde iz Uredbe Vijeća EK broj 139/2004 o kontroli koncentracije između privrednih subjekata, Obavještenje Evropske Komisije o konceptu koncentracija privrednih subjekata te Smjerenice za ocjenu horizontalnih /vertikalnih koncentracija.

3. Pravni osnov i oblik koncentracije

Privredni subjekt Energo Bosna sklopilo je ugovor OPU-1086/2019 o prodaji (..)**% svojih udjela u Hidroelektrani Bistrica d.o.o. Foča privrednom subjektu ZP Hidroelektrane na Drini u iznosu od (..)** KM.

Pored navednog privredni subjekt Energo Bosna sklopilo je ugovor OPU-1084/2019 o prodaji (..)**% svojih udjela u Hidroelektrani Bistrica d.o.o. Foča privrednom subjektu Kaldera Company u iznosu od (..)**KM jer ima neplaćene obaveze prema ovom društvu u istom iznosu.

Privredni subjekt Energo Bosna (ranije BDY Czech a.s. Prag) kupio je u 2012. godini udio u HE Bistrica od Kaldera Company i stekao 60% udjela u ovom privrednom subjektu (Zaključak Konkurencijskog vijeća broj: 02-26-1-11-13-II/12).

Privredni subjekt Kaldera Company sklopilo je ugovor OPU-1083/2019 o prodaji (..)**% svojih udjela u Hidroelektrani Bistrica d.o.o. Foča privrednom subjektu ZP Hidroelektrane na Drini u iznosu od (..)** KM.

Privredni subjekt ZP Elektrodistribucija sklopilo je ugovor OPU-1087/2019 o prodaji (..)**% svojih udjela u Hidroelektrani Bistrica d.o.o. Foča privrednom subjektu ZP Hidroelektrane na Drini u iznosu od (..)**KM.

Pravni osnov predmetne koncentracije čine navedni ugovori potpisani dana 24.06.2019. godine.

U toku pripreme pomenutih Ugovora o kupoprodaji udjela u društvu Hidroelektrana Bistrica d.o.o. Foča privredni subjekt Kaldera Company pismom namjere od 23.05.2019. godine izrazio je spremnost da proda i preostali dio udjela od (..)**% u društvu Hidroelektrana Bistrica pod istim uslovima privrednom subjektu ZP Hidroelektrane na Drini. Uprava privrednog subjekta ZP Hidroelektrane na Drini ranije je donijela zaključak o utvrđivanju investicione odluke broj: UP-07-04/19 dana 30.01.2019. godine kojim izražavaju namjeru da otkupe i preostali dio udjela od privrednog subjekta Kaldera Company kako bi u krajnjem slučaju postali (..)**% vlasnik društva Hidroelektrana Bistrica.

Na zahtjev Konkurencijskog vijeća za pojašnjenjem, u dopuni Prijave od 20.08.2019. godine navodi se da je privredni subjekt Kaldera Company uputilo Pismo namjere prvo 09.04.2019. godine pa kako nisu zaprimili potvrdu da je uprava primila navedeno pismo Pismo namjere, uputili su isto i dana 23.05.2019. godine.

Nadzorni odbor privrednog subjekta ZP Hidroelektrane na Drini također je izrazio namjeru, ukoliko se uspješno izvrši realizacija investicione odluke broj: NO-05-03/19 od 06.02.2019. godine, o otkupu (..)**% udjela da se namjerava otkup i preostalog dijela od privrednog subjekta Kaldera Company kako bi u krajnjem slučaju postali (..)**% vlasnik privrednog subjekta Hidroelektrana Bistrica d.o.o. Foča.

Pravni oblik koncentracije predstavlja sticanje kontrole ili prevladavajućeg utjecaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata i to kupovinom većine udjela osnovnog kapitala, u smislu člana 12. stav (1) tačka b) pod 1) Zakona.

4. Obaveza prijave koncentracije

Obaveza prijave koncentracije nastaje, u smislu odredbe člana 14. stav (1) Zakona, kada ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji i da ukupni godišnji prihod svakog od najmanje dva privredna subjekta učesnika koncentracije ostvareni prodajom roba i/ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Ukupni godišnji prihodi privrednih subjekata učesnika koncentracije i povezanih društava, na dan 31. decembra 2018. godine:

Tabela 1.

Ukupan godišnji prihod (KM)					
	Energo Bosna	Kaldera Company	ZP Elektrodistribucija	ZP Hidroelektrane na Drini	HE Bistrica
BiH	(..)**	(..)**	(..)**	(..)**	(..)**
Svijet	(..)**	(..)**	(..)**	(..)**	(..)**

Izvor: podaci iz Prijave/dopune Prijave

Učesnici koncentracije, odnosno njihovi povezani privredni subjekti, su ispunili uslove iz člana 14. stav (1) tačke a) i b) Zakona.

5. Relevantno tržište

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnom tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebice njihove bitne osobine, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Shodno djelatnostima i poslovnim aktivnostima učesnika u koncentraciji relevantno tržište predmetne koncentracije je tržište proizvodnje električne energije.

Uzimajući u obzir postepeno otvaranje bosanskohercegovačkog tržišta električnom energijom relevantno geografsko tržište je tržište Bosne i Hercegovine.

Slijedom navedenog Konkurencijsko vijeće je utvrdilo da je relevantno tržište proizvoda predmetne koncentracije tržište proizvodnje električne energije na području Bosne i Hercegovine.

Iako tržišni udio elektroenergetskih privrednih subjekata u BiH ne zavisi od njihove konkurentnosti nego od zakonske regulative koja je na snazi očekuje se da će novi zakonski propisi rezultirati liberalizacijom tržišta, odnosno omogućiti da novi proizvođači i snabdjevači električnom energijom uđu na domaće tržište.

Tržišni udjeli privrednih subjekata ERS-a, EPBiH i EHZHB-a u proizvodnji električne energije na tržištu BiH u 2018. godini iznosili su:

Tabela 2.

2018	EPBiH	ERS	EHZBH	Brčko distrikt	Ostali subjekti (male elektrane)
Proizvodnja GWh	(..)**	(..)**	(..)**	(..)**	(..)**
%	(..)**	(..)**	(..)**	(..)**	(..)**

Prije predmetne koncentracije privredni subjekt HE Bistrica nije ni direktno niti indirektno putem drugih privrednih subjekata učestvovao na elektroenergetskom tržištu BiH.

Prema navodima iz Prijave ne očekuje se da nastupe značajnije promjene tržišnog udjela ERS-a na relevantnom tržištu prije 2023. godine. Do tada neće doći do izgradnje novih postrojenja za proizvodnju električne energije niti do povećanja proizvodnje.

Nakon planirane izgradnje novih hidroelektrana u ili nakon 2023. godine proizvodnja HE Bistrica iznositi će (..)** GWh (navodi se da je to podatak iz projektne dokumentacije). U tom smislu udio privrednog subjekta ERS će se povećati sa (..)** GWh ((..)**Wh) na (..)**GWh. Pod pretpostavkom da ostali proizvođači neće povećati svoje proizvodne kapacitete ukupna proizvodnja električne enegije će se povećati sa (..)**GWh na (..)**GWh.

Sa ostvarenom proizvodnjom od (..)**GWh privredni subjekt HE Bistrica će ostvariti tržišni udio od (..)**% tržišta u BiH, udio privrednog subjekta ERS iznositi će (..)**% dok će njihov zajednički tržišni udio, slijedom navednog, iznositi (..)**%.

6. Ocjena koncentracije

Konkurencijsko vijeće je pri ocjeni dopuštenosti koncentracije imalo u vidu da privredni subjekt HE Bistrica ne učestvuje na elektroenergetskom tržištu BiH niti direktno niti indirektno putem drugih privrednih subjekata. Nadlje, ne očekuju se značajnije promjene tržišnog udjela ERS-a na relevantnom

tržištu prije 2023. godine obzirom da do tada neće doći do izgradnje novih postrojenja za proizvodnju električne energije niti do povećanja proizvodnje.

Eventualno, tek nakon planirane izgradnje novih hidroelektrana u ili nakon 2023. godine proizvodnja HE Bistrica iznosit će (..) **GWh te će tako privredni subjekt HE Bistrica ostvariti tržišni udio od (..) **% tržišta u BiH. Udio privrednog subjekta ERS iznosit će (..) **% dok će njihov zajednički tržišni udio, slijedom navednog, iznositi (..) **%.

Konkurencijsko vijeće je slijedom navedenog ocijenilo predmetnu koncentracije dopuštenom, u smislu člana 18. stav (2) Zakona, te odlučilo kao u dispozitivu ovog Rješenja.

7. Administrativna taksa

Podnosilac prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», broj 30/06, 18/11 i 75/18), je dužan platiti administrativnu taksu u ukupnom iznosu od 5.000,00 KM u korist Budžeta institucija Bosne i Hercegovine.

8. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

Predsjednica

mr. Arijana Regoda - Dražić